

# Hocouh Si Caeuq Gvangjcouh Si Doxcaez Haeujlaeg Guhsaed Doidoengh Aen Suenqveh Gak Cuz Nyezrauh Dox Baedauq

## 贺州市与广州市对口推动各族青少年交流计划走深走实

Mboengqneix, Hocouh Si Gungcinghdonz cujciz bouxcoz giyezgyah、bouxcoz ak lajmbanj daengj gyawj 20 vunz bae Gvangjcouh Si guh aen suenqveh nyezrauh dox baedauq. Neix doidoengh Gvangjsih Gvangjdungh youq seizdaih moq doxgap haeujlaeg guhsaed hong gak minzcuz nyezrauh

dox baedauq.

Gyoengqde bae Aen Gvanj Geiqniemh Donz It Daih daengj dieg ngonzyawj hagsib, caeuq Gungcinghdonz Gvangjcouh Si Veij gyaulouz baenzlawz guh ndei bouxcoz gagnyienh fugsah、gungcinghdonz bang cauhguh minzcuz doxgiet baenaj

caeuq saenqhwnq lajmbanj、cauhlaeb aen hauh vwnzmingz bouxcoz、hwnqguh aen singz bouxcoz ndei hwnqfat daengj.

Hocouh yaek nyinhcaen hag gij gingniemh ndei caeuq guhfap cauhmoq mwh Gvangjcouh guh hong gungcinghdonz youqgaenj caeuq aen

suenqveh nyezrauh dox baedauq haenx, haenqrengz doidoengh aen suenqveh nyezrauh daengx si guh ok hwnqfat moq, gangj ndei gojgaec minzcuz doxgiet baenaj Hocouh Si.

(Cau Ginhbinh/赵金宾 Bwz Ningz/白宁 Cwngh Yenzyenz/曾园园)



## Ningzmingz Saedguh “Gingniemh Bujgyangh” Yafangj Ciepfangj

### 宁明践行下访接访“浦江经验”

Ningzmingz Yen Sinfangj Lenzsizban haeujlaeg hagsib gvancez cawjdaez son' gyauq Aen Swhsiengj Sevei Cuiyi Miz Gij Daegsaek Cunguek Seizdaih Moq Siz Ginbingz, nyinhcaen aeu “Gingniemh Bujgyangh” saedguh hong yafangj ciepfangj. Gyoengqde cujciz ndawyienh ndawyangh guh hozdung “daih baizcaz, daih ciepfangj, daih vaqgej”, bae daengz dieg vunzlai youqdingh haenx dingq vunzlai ok yigen、genyi, caencingq caeuq vunzlai gaijgez vwndiz. Bineix 1 nyied daengz 10 nyied, Ningzmingz Yen youq ndawyienh guh le 7 ciengz daih ciepfangj hozdung, sou daengz vunzlai gangigouz yigen genyi 194 faenh, fat le gak loih swlhliu bujgiz fapldw gungh 2 fanh lai faenh.

(Cauh Yizgangh/周贻刚 Veiz Vujyih/韦舞依)

## Denhdwngj Guh Buek Hozdung Cietsuenggangq Bouxcuengh

### 天等举办壮族霜降节系列活动

10 nyied 24 hauh, bi 2023 buek hozdung aen cietsuenggangq Bouxcuengh Denhdwngj Yen hai-muq lo. Gak minzcuz vunzlai ndang daenj buhvaq minzcuz, doxcomz giz ndeu, diuq foux dwklangz, ciengzmienh gig hungmbwk, yinx le soq cien soq fanh boux hekyouz daeuj guhcaemz. Buek hozdung daj 10 nyied 23 hauh guh daengz 31 hauh, miz doxdax foux dwklangz、

hai diuz haw miz daegsaek、minzsug suenggangq youzlah、guh aen hoih hwnqfat canjnieb lwgmanh Denhdwngj daengj lai cungj hozdung. Baez ciet neix cienzboq le gij vwnzva cienzdoengj ndei Cunghvaz, coenghrenez hwnqfat vwnzlij, bangcoh lajmbanj saenqhwnq.

(Vangz Cwnqzsungh/黄城松 Cinz Yizginz/覃日琴)



▲ Vunzlai Denhdwngj Yen diuq foux angqvauvau.



▲ Bouxguhnhong nda daiz fat swlhliu、lwnh cwnqczwz sebauj.

## Vanzgyangh Dacaiiz Yangh Guh Hozdung Lwnh “Sebauj Fugsah Haeuj Fanh Gya”

### 环江大才乡开展“社保服务进万家”宣传活动

10 nyied 26 hauh, Vanzgyangh Mauznancuz Swciyen Dacaiiz Yangh cujciz dangyenz ganbu haiguh aen hozdung lwnghangj “sebauj fugsah haeuj fanh gya”. Yienhciengz nda aen daiz camcaz cwnqczwz, bouxguhnhong gangjgej 《Mbawgaj Sebauj Baenzlawz Yungh》 daengj, caiq son vunzlai baenzlawz aeu aen veihsin gungh-

cunghau “Gvangjsih Suivu 12366” banh saeh daengj. Ngoenzde gungh fat le 300 lai faenh doxgaiq lwnghangj lumjbaenz mbawdan lwnh sebauj、aen daeh sebauj、aen hab coux ceij sebauj daengj, gaijgez 20 lai aen vwndiz vunzlai camcaz, hawj cihsiz cwnqczwz sebauj haeuj cien gya fanh hoh.

(Leiz Yenyinz/雷燕云)